



# PLANU DI ASON PA TERRAS AGRÍKULAS DI MASSACHUSETTS (MA) 2023-2050

UMassAmherst  
\_\_\_\_\_  
Donahue Institute



UMassAmherst | Donahue Institute

# Planu di Ason pa Terras Agríkulas di Massachusetts (MA) , 2023-2050

Dizénbru di 2023

---

## Xéfi di Prujétu

### *Institutu UMass Donahue*

- Sonia Bouvier
- Sharon Vardatira
- Kelley Seay
- Sophie Baxendale

## Patrosinador di Prujétu

### *Dipartamentu di Rikursus Agríkulas di MA*

- Gerard Kennedy
- Chris Chisholm
- Melissa Adams
- Ashley Davies
- Dave Viale
- Rob Monahan

## Parsêrus di Apôiu

### *Sistéma Alimentar Kolaborativu di MA*

- Winton Pitcoff
- Jennifer Ryan
- Rebecca Miller

## Fundu Amerikanu di Terras Agríkulas

- Nathan W. L'Etoile
- Laura Barley
- Jamie Pottner
- Chelsea Gazillo

**Institutu UMass Donahue** é un aria di sirvisu públiku, di invistigason y di dizenvolviméntu ekunómiku di Universidadi di Massachusetts. Nos mison é aplika teoria y inovason pa rizolvi dizafius di mundu rial y djuda nos kléntis atinji se-s objetivu y dizéjus. Nu ta djuda kléntis na sétor públiku, sen fin lukrativu y setor privadu na Kumunidadi y na tudu parti di mundu. Pa bu sabi más, entra na [www.donahue.umass.edu](http://www.donahue.umass.edu).

**Sistéma Kolaborativu Alimentar di Massachusetts (MFSC)** ta apôia ason koletivu pa ki na Massachusetts ten un sistéma alimentar igual, sustentavel, fórti y konekitadu. MFSC ta kria kondisons pa dezenvolvi ideias pulítikas, lidéra y partisipa na kanpanhas di difêza, iduka públiku en jeral sôbri valor di tem un sistéma alimentar lokal saudavel y auménta trabadju kriativu y ben fêtu di sistéma inovador alimentar lokal. Pa bu sabi más, entra na <https://mafoodsystem.org/>.

**Fundu Amerikanu di Terras Agríkulas (AFT)** é organizason nasional más grandi ki ta didika na proteson di terras agríkulas, na promoson di bon prátkas agríkulas y na manti agrikultôris na terra. AFT ta djunta agrikultôris y anbentalistas pa protéji terras agríkulas y anbênti. Désdi si fundason, AFT dja djuda protéji más di sás milion y mêu di akris di terras agríkulas y abri kaminhu pa uzu di prátkas di konservason di un munti ôtus milion. Pa bu sabi más, entra na <https://farmland.org/>.

Mison di **Dipartamentu di Rikursus Agríkula di Massachusetts** é kria un ekonomia agrícola fórti y ekuitativu, promóvi un sistéma alimentar suguru y fórti y prizêrva un anbênti saudavel pa agrikultôris, pa animal y pa konsumidôris di Massachusetts. Dipartamentu ta djuda, ta kontrôla y ta midjôra kê-l diversidadi agrícola riku ki ten na Kumunidadi, pa promóvi mididas di siguransa alimentar ekonomikamênti y ambientalmênti bon, mididas ki ta promóvi saudi di animal y kunpri papel di agrikultura na konservason y produson di inêrjia. Pa bu sabi más, entra na <https://www.mass.gov/agr>.

---

---

## Rizumu Izekutivu

---

Agrikultura ten un lugar importanti na ekonomia, kultura y anbênti di Massachusetts. Agrikultura ta da un konjuntu di alimêntus, enprégus y sirvisus anbêntal y ta protéji rikursus natural, armazêna karbônu, y pôdi djuda adápita a mudansas klimátikus. Atualmenti, ten 7,241 propiadadis agrícola ki ta okupa 491,653 akris di Kumunidadi. Kê-s propiadadi agrícola li ta inpréga sérka di 26,000 algen y ta pruduzi un valor di merkadu anual di más di 475 milion di dóla en bêns, ku un inpákitu ekunómiku di 10 bilion di dóla tudu anu ([Dipartamentu di Rikursus Agrícolas di Massachusetts \(MDAR\), 2018/2019](#)). Só 15% di terras agrícolas di Massachusetts ki sta protejido di forma permanenti, y terras sta perdi na un rítimu asileradu. Di 1997 pa 2017, kuazi 60,000 akris di terra agrícola foi uzadu pa ôtu kuzas ([Dadus di Agrikultura di MA, 2017](#)). Kê-s terras agrícolas li é di kê-s más karru na Mérka, ku un média di 13,700 pa akri, y ki tivi un auméntu di présu di 21% só entri 2020 y 2021 ([Dipartamentu di Agrikultura di Mérka \(Dipartamentu di Agrikultura di Mérka \(USDA\), 2022\)](#). Sen auméntu di finansiamento públiku y rítimu di protestos, midjôra organizason di tiritóriu y sen garanti dizenvolvimêntu intilijenti, é speradu ki ti 2040, más 78,000 akris di terras agrícolas, podia ben ser perdêdu. ([Séntru di Informason Agrícola \(FIC\), 2020](#)).

Planu di Ason pa Terras Agrícolas di Massachusetts foi dizenvolvidu atraves di un parsêria entri Institutu Donahue di Universidadi di Massachusetts, Sistéma Kolaborativu Alimentar di Massachusetts, Fundu Agrícola Amerikanu, y Dipartamentu di Rikursus Agrícola, ki komësa y finansia isfôrsu. Spesialistas fla ma pa kada etapa di prusésu di planiamentu, ki ta envolvi más di 600 intervinêntis, inkluidu agrikultôris, tomadôris di disizon, organizason sen fin lukrativu, lider y ménbrus di grupus di Kumunidadi intêru.

Planu di Ason pa Terras Agrícolas difini pa primêru bês, objetivos, prioridadis y asons rakumendadu pa protestos y asésu a terras agrícolas na Massachusetts. Stratéjas ki foi rakumendadu pa infrênta dizafius urijéntis ki inklui auméntu di konverson di terras agrícolas, dizafius infrentadu pa kê-s agrikultôris nôvus y kê-s istorikamenti mal sirbidu, y importancia ekunómiku di agrikultura, asésu a alimêntus saudavel y frésku, manutenson y auméntu di viabilidade ekunómiku di trabadus agrícolas, y importancia di terras agrícolas pa ben star di ekô-sistema atraves di intruduson di prátkas anbêntal, konservason y di terra saudavel.

Para alén di kê-l la, planu ta inklui rakumendason spesífiku pa auménta asésu a terras agrícolas, partipason na tomada di disizon y finansiamento pa rizolvi dizigualdadi rasial na propiadadis di terras agrícolas. È ta sublinha nisisidadi di garanti un konprimisu ku ekuidadi, prinsipalmenti ku négrus, pôvus indíjinus y pisoas di kor (BIPOC), imigranti, pisoas ki kré ser agrikultor, tudu prugramas, pulítikas, invistimentu y asons.

Planu di Ason pa Terras Agrícolas sta organizadu baziadu na três objetivos prinsipal:

- I. **Proteson: Auménta isfôrsu pa protéji terras agrícolas di forma permanénti.** Kê-l li é importanti pamôdi óra ki un terrenu urbanizadu, nunka más é ka ta volta pa agrikultura. Proteson di terras agrícolas, rikursus non-rinovavel, prizêrva aspétu rural di un zona, apôia siguransa alimentar duméstiku, ta aji sima un sugador di karbônu na stabiliza fraturas na emison di gas ku ifeitu di stufa, manti anbênti drétu, pirmiti kontrôlu di inundasons y kontribui pa ekonomia na lugares rural. Pa fasilita tudu es proteston li, kê-l planu li ta iziji kriason di un nôvu prugrama pa ki organizasons sen fin lukrativu y kâmaras municipal kunpri, manti y jéri restrisons agrícola. Para alen di kê-l la, da prioridadi a proteston di propiadadi agrikultura en jeral.
- II. **Asésu: Auméntu di asésu a terras agrícolas.** Asésu a terras agrícolas ta iziji opurtunidadi y opison igual, ekunómiku y ki ta da pa identifika. Planu di ason y atividadis ta ben apôia disponibilizason di más terras pa agrikultura, atraves di difinison di pasus pa garanti un asésu a terra di manêra ekuitativu y na un présu asesivel. Planu tanbê ta pidi pa tem un apôiu más fôrti pa kê-s propiadadi agrícolas más

pikinôti, pa ten midjór asésu a planiamentu di suseson y di transfirênsia di propiadadis y terras agríkulas, y un redi más diversifikadu y asesivel di prestadôris di sirvisus di agrikultura.

- III. **Viabilidadi: Apôia y rifórsa viabilidadi di propiadadis agríkulas y terra.** Propiadadis agríkulas protejidus y produtivus é bazi pa ten un sistéma ekunómiku agrícola sustentavel y fôrti. Nton, proteson di terras agríkulas, apôiu a atividadis agríkulas y apôiu a prôpi agrikultôris débi ser fêtu tudu djuntu. Planu di ason y atividadis ta ben djuda atinji es objetivu, ku fóku na nisisidadi di ten un anbênti enprezarial más midjór, ku auméntu di rikursus pa organizasons ki sta spesializadu na rializa es objetivu y valor a paga agrikultôris pa ekô-sistema y ôtus sirvisus fóra di merkadu. Tanbê ta rikonhesêdu ma pa manti propiadadi agrícola y pa protéji terras agríkulas ta iziji ten un públiku instruidu ki ê kapas di apôia agrikultura ku sê-s kônpras y envolvimentu síviku.

Kada un di kê-s elimêntus li —proteson, asésu y viabilidadi agrícola— sta altamenti dipendénti un di kê-l out, y un stratéjia ben difinidu débi ser kriadu pa rispôndi nisisidadis di rifórsa ligason entri es trés. Pa fazi kê-l la, partisipantis na es prusésu ten ki imajina un populason ki ta intêndi papel ki agrikultura ta dizenpénha na siguransa alimentar, na proteson di rikursus natural y di klima, y na ekonomia. Nton, apôiu di populason a agrikultura di Massachusetts ta ben kria un fôrça pa invisti di manêra signifikativu pa garanti ki terras agríkulas pasa ta ser protejido kóntra futurus pérdas, ki rêgras y pulítikas promóvi asésu a terras pa kênha ki kré fazi agrikultura y ki terras fika viavel atraves di mididas di apôiu ki ta djuda na infrênta amiasas y opurtunidadis pa trabadjus agríkulas.

Primêru Planu di Ason pa Terras Agríkulas di Massachusetts é pa infôrma, orênta invistimentus nisisariu y asons pragramadu y pulítikas pa garanti ki terras agríkulas y agrikultura sta disponivel y viavel pa es jerason li y jerason futuru. Prusésu di planiamentu identifika txeu dizafius ki terras agríkulas y agrikultôris ta pasa. Planu difini objetivus pa proteson y asésu a terra y viabilidadi na trabadjus agrikultura, y tanbé sujêri stratéjias pa konsigi rikursus nisisariu pa alkansa kê-s objetivus trasadu. Inplimentason y rinnovason di kê-l planu li ta ben ser un grandi pasu pa djuda protéji y spandi terras agríkulas — un rikursus non-rinnovavel — y pa garanti ki aria di agrikultura ser un kuza suguru y sustentavel pa próximus jerason.

Planu di Ason pa Terras Agríkulas sta organizadu baziadu na trés objetivus prinsipal:

- I. **Proteson: Asiléra proteson permanenti y fazi jeston di terras agríkulas.** Terras agríkulas é un infrastrutura krítiku y amiasadu ki ta djuda suguransa alimentar, sistéma natural y rizilénsia klimátku, mas tanbê e ekonomia, saudi públiku y kualidadi di vida di Massachusetts.
- II. **Asésu: Auméntu di asésu a terras agríkulas.** Pa kê-l li kontisi, é nisisariu ten opurtunidadi y opison klaru pa nôvus agrikultôris y apôiu na se-s propiadadis agríkulas, di manêra ki ta da pa es pasa pa sê-s susesôris.
- III. **Viabilidadi: Apôia y rifórsa viabilidadi di enprézas agríkulas y au mêsma ténpa proteson di terras.** Terras agríkulas protejidus y produtivos y enprézas agríkulas é bazi di un sistéma ekunómiku agrícola sustentavel.

Na kada objetivu sta un konprimisu di igualdadi, spesialmênti pa BIPOC y pisoas ki kré ser agrikultor.

# Objetivu di Planu di Ason pa Terras Agríkulas di Massachusetts

Agrikultura ta fazi parti di istória, kultura, ekonomia y futuru di Massachusetts —y terras agríkulas é bazi. Ten 7,241 propiadadis agríkula ki ta okupa más ô ménus 500,000 akris di Kumunidadi ki ta inpréga sérka di 26,000 algen, ta pruduvi un valor di merkadu anual di más di 475 milion di dóla en bêns, ([MDAR, 2023](#)) y ku un inpákitu ekunómiku di 7 bilion di dóla tudu anu ([Kréeditu Agríkula di Ésti, 2021](#)). Para alen di alimêntus y fibras, propiadadis agríkulas lokal ben jiridu ta un sirvisus di ekô-sistema infinitu - ta apôia vida selvajen y polenizadoris, ta protéji kóntra inundasons y ta rikarega lensol freátiku, armazêna karbônu y midjôra saudi di sólu ([USDA, 2012](#)). Sê-s infrastrutura vérdi ta djuda-nu rispôndi dizastris natural y antropojéniku y es é fundamental pa adápita a un klima ki sta na mudansa ([Agrikultor Amerikanu, 2010](#)). Es pôdi diminui inpákitu di problemas di abastisimêntu alimentar mundial, atraves di fornesimentu di alimêntus lokal ([Organizason di Kumida y Agrikultura \(FAO\), 2020](#)), y sê-s benefisius sosial é importanti, y ta inklui distribuison di alimêntus familiar pa kumunidadi di imigrantis ([UMass, 2016](#)). Un munti propiadadis agríkulas tanbê ten instalason di kompostajen y dijeston anaerobia, ki ta diminui inpákitu negative di rizidus orgánikus na anbênti, y ta transformá-s na strumu pa sólu y tanbê na un fónti di inêrja linpu. ([MassDEP, 2020](#)).

Mas, terras agríkulas sta perdi na un rítimu rápidu na Massachusetts, y es pérda li sta amiasa viabilidade di futuro di agrikultura na Kumunidadi — y tudu benefisius ki agrikultura ta trazi. Di 1997 pa 2017, kuazi 60,000 akris di terra agríkula foi transformadu en terras pa ôtu kuzas y ki ta korispôndi a un diminuison média di propiadadis agríkulas di 130 pa 79 akris ([Dadus di Agrikultura di MA, 2017](#)). Invistimêntus di Stadu na proteson di terras agríkulas ka sta kunpanha mêsma rítimu ku aumentu izajeradu di présu di txon. Présu di terras pa akri aumenta 21% di 2020 pa 2021 y gósi sta na un média di 13,700 dóla pur akri ([USDA, 2022](#)).

Apezar di Massachusetts ten stadu ta ten un lider inovador na pulítikas di proteson di terras agríkulas, Kumunidadi ka dizenvôlvu nun planu abranjenti a nível si Stadu pa da orientason sôbri isfôrsu di proteson y asésu a terras. Nê-s mumentu, só ménus di 500,000 akris — ô sérka di 10% di Kumunidadi — sta difinidu kômu terras agríkula, di akordu ku definisón di USDA. Y pôku ménus di 75,000 akris di terra, ó 15%, sta protejidu pa Restrasons di Prizervason Agríkula (APRs) di forma permanente pa stadu (MDAR).

Kômu konsikuênsia, implimentason di un Planu di Ason pa Terras Agríkulas abranjenti y pró-ativu a nível di stadu, pa orênta proteson di terras a nível federal, stadual, munisipal y privadu, é fundamental garantir viabilidade di futuro di agrikultura. Kumunidadi, munisipiu, guvérnu federal, ajénsias di planiamentu rijional, fundu fidusiarius y propetarius privadu, tudu es ten un funson na proteson di terras agríkulas.

- Massachusetts ten 5 milion di akris di terra, ki é un bokadinhu más di 27% (1.4 milion di akri) sta protejidu di forma permanénti atraves di propiadadi ó restrisons pa agu potavel, vida selvajen y mêmú anbênti pa spésias ki sta amiasadu di istinson, atividadi au ar livri, y agrikultura.<sup>1</sup> Un bokadinhu ménus di metadi di kê-l 1,4 milion di akri é propiadadi di Stadu, munisipiis ten kuazi un kuartu, y sérka di un kuartu é di propetarius privadu, fundu fidusiarius, organizasons sen fin lukrativu, ajénsias federal y distritus ([2025/2030 CECP](#)).
- Vinti y un purséntu di Kumunidadi sta urbanizadu y sérka di 52% ka sta nen urbnizadu nen protejidu ([Mass Audubon, 2020](#)).

<sup>1</sup> OpenSpace Datalayer protejidu y rikriativu sta disponivel na <https://www.mass.gov/info-details/massgis-dataprotected-and-recreational-openspace>. Ajénsia di Proteson Anbêntal di Mêrka sta difini spasu abérta kômu kualker padas di terra ki ka sta urbanizadu (pur izéñplu: undi ki ka ten nun prédio ô ôtus struturas konstruidu) y ki sta asesivel pa públiku, inkluindu terénus ki sta un parti ô tudu kubridu pa padja, arvóri ô planta; patius di skóla, parkis infantil; arias di lazer públiku; prasas públiku, y terénus abandonadu.

## Objetivu I. Auménta isfôrsu pa protéji terras agríkulas di forma permanénti

### A. Protéji terras di manêra permanenti atraves di akizison di restrisons agríkula.

1. Kunpra restrisons agríkula pa protéji terras agríkulas di manêra permanénti, djuda auménta asesibilidadi, y mantê-l na produson.
2. Buska dizenvôlvi mekanismu ô stratéjias di finansiamentu kriativu ki ta aumenta finansiamentu di forma signifikativu, pa apôia proteson.
3. Auménta valor másimu di finansiamentu federal disponivel.
4. Identifika y garanti más rikursus pa akizison di terras agríkulas atraves di taxas y atraves di restrisons y pa jeston di propiadadi protejidu.
5. Garanti ki mididas di interverson pa privini transformason di terra fika pronto y disponivel di forma rápidu.
6. Rifórsa kapasidadi di ajénsias di stadu, fundus fidusiarius, munisipius, y ôtus instituison pa protéji terra.
7. Auménta número di kandidaturas pa prugramas di proteson di APR, ALE, y non-ALE.
8. Auménta superfisi di terras agríkulas protejidu atraves di akordus a longu prazu.
9. Rifórsa kapasidadi di fazi jeston di APR di manêra drétu y efisénti.
10. Splóra kriason di un prugram di subisidiu finansiadu pa Stadu, pa da fundus fidusiarius, munisipius y ôtus instituison rikursus pa es pôdi kunpra y fazi jeston di restrisons agríkula di konservason (CRs) ki agrikultura ta pirmiti.

### B. Kontinua ta dizenvôlvi y intruduzi más instruméntus pa ivita pérdi di terras agríkulas y privervá-s.

1. Splóra posibilidadi di adóta un pulítikas di ka ten pérdi na tudu terras agríkulas privadu y públiku.
2. Inskrévi más terras agríkulas na kapítulu 61A.
3. Identifika opurtunidadi pa auménta finansiamentu CPA y si aplikason pa protéji terras agríkulas y asesivel dêntu y fóra di propiadadis agríkulas.
4. Splóra kriason di un instituison ki ta pôdi kunpra, bêndi, y renda terras y restrisons, ku objetivu di sénpri protéji terras agríkulas y da prioridadi di asésu a populason di agrikultôris ki é istorikamenti injustisadu.
5. Identifika y protéji terras di stadu di forma permanenti, óra ki é apropiadu y óra ki ka ta entra en konflitu ku objetivu original di proteson (pur izénplu: vida selvajen, algun tipu di lazer au ar livri, sivikultura).
6. Splóra pulítikas di dizenvolvimêntu sular ki ka ta prejudika agrikultura.
7. Promóvi mudansas na organizason di zónas y pulítikas di krisimentu intilijenti ki ta insentiva densidadi y dizenvolvimêntu y ki ka ta trazi pérdas di terras agríkulas.

### C. Da prioridadi a proteson di tudu propiadadi agríkula.

1. Kria pulítikas ki ta protéji tudu propiadadi agríkula.
2. Garanti ki prugramas di proteson ser di akordu ku tudu mudélu do pôsi, apôia rénda terra, propiadadi koperativu, y ôtus nôvus formas di pôsi.
3. Léba en kónta objetivos di Kumunidadi, ki ta inklui justisa anbêntal y proteson di rikursus natural, óra ki bu sta da prioridadi a proteson di terras agríkulas.
4. Djóbi môdi ki ôtus prugramas federal sima aspétu di Apôiu di Rizérva di Zónas Úmidus di Prugrama di Apôiu di Konservason Agríkula (ACEP-WRE), pôdi ser uzadu pa djuda na finansiamentu di proteson di tudu propiadadis agríkula.

- D. Formaliza y intégra prusésu di tomada di disizon rilasionadu ku proteson di terras agríkulas.**
1. Midjôra kordenason entri ajénsias di akizison y jeston di terras, sima proteson di un propiadadi atraves di kunbinason di CRs y APR.
  2. Kria un priorizason a nivel di terras agríkulas di stadu pa proteson sima Biomap, Terras resiléntis di Konservason di Natureza (TNC), y Mass Audubon di Mapiaméntu y Priorizason di Parsélas pa Rizilénsia (MAPPR), etc.

## **Objetivu II. Auménta asésu a terras agríkulas.**

### **A. Disponibiliza más terras pa agrikultura.**

1. Djóbi si tudu terras públiku ki ten ta da pa fazi agrikultura y auménta más terras pa agrikultura.
2. Rifórsa prugrama di stadu pa da lisénsas di terras.
3. Kria zónas prifirênsial y organizá-s pa djuda agrikultura urbanu.
4. Aumenta kuantidadi di terras ki pôdi ser rendadu pa privadus, ku akordu ki objetivu é satisfazi nisisidadi di agrikultôris.
5. Splóra opurtunidadis pa djuda guvérnu Tribal di Kumunidadi, ki é rikonhesêdu pa stadu y pa guvérnu federal, na prusésu di akizison di terras.
6. Kria un prugrama di rakuperason di terras agríkulas pa da asisténsia a agrikultôris pa es pôdi transforma terras ki ka sta trabadjadu más y kê-s abandonadu, na terras ki ta pruduzi alimêntus, y ki pôdi inklui partilia di kustu.
7. Garanti CRs apôia krisimentu di agrikultura sénpri ki es krisimentu sta di akordu ku objetivu jeral di restrisons.
8. Apôia vivérus di enprézas agríkulas, putensalmênti atraves di finansiamentu.

### **B. Apôia transfirênsia y suseson di propiadadis agríkulas pa pôdi midjôra asésu a terras agríkulas.**

1. Apôia y aumenta formason sôbri transfirênsia y suseson di terras y asisténsia tékiniku (AT) individual.
2. Garanti transfirênsia di terras protejidus y midjôra asésu a terras agríkulas.
3. Midjôra rejistus ki dja sta fêtu y kria nôvus rejistus di terra ki ta pirmiti ten dadus sôbri agrikultura, nómi di propetariu, informason sôbri kontákitu, informason sôbri sê-s propiadadi, y tipu di agrikultura.

### **C. Da prioridadi a auméntu di asésu di BIPOC y agrikultôris ki sénpri foi injustisadu, na tudu prugrama y pulítikas di asésu a terras agríkulas.**

1. Garanti ki invistimentus, prugramas y pulítikas djuda kria igualdadi pa agrikultôris di kê-s kumunidadi istorikamenti más karénti.
2. Splóra opison di auméntu y fortifikason di kritérius di igualdadi y diversidadi pa uzu di terras agríkulas públiku, y pa da prioridadi di asésu a kê-s agrikultôris istorikamenti injustisadu, a kê-s nôvus agrikultôris, a kê-s ki kré ser agrikultor y a kê-s ku más difikuldadi.

### **D. Apôia y auménta rôdis di prestadôris di sirvisu pa satisfazi nisisidadi di tudu agrikultôris y futurus agrikultôris**

1. Apôia diversifikasiyon di mon di óbra di prestadôris di sirvisus na agrikultura atraves di formason prufisional y tanbé más konsiderason pa kê-s trabadjadôris ki é istorikamenti más injustisadu na mumentu di kontratasón.
2. Kria y inpliménta prugramas di formason fokadu na diversidadi, na igualdadi y na inkluzon pa kredóris agríkulas y ôtus prestadôris di sirvisu y ajénsias.

3. Kria kontratu ku Organizasons Non-Governamental (NGOs), konsultórís, y ôtus organizason ki ten kapasidadi di présta sirvisus di asisténsia tékinika pa enprézas, inkluindu planiamentu di suseson pa kléntis agrikultôris.
4. Dizenvôlvê kapasidadi di prestadôris di sirvisus sima instituison finansérus, prufisional di arias di bênda di kaza y adivogadus, pa midjór apôiu na propiadadis agríkulas.
5. Kria un kaxa di feraménta ku rikursus pa planiamentu y implimentason di atividadis agríkulas, di suseson y transfirênsia di terras, ki é kapas di manti atualizadu y da agrikultôris kê-s rikursus li, u ki pôdi iziji más rikursus umanus.

### **Objetivu III. Apôia y rifórsa viabilidade di propiadadis agríkulas y terra.**

- A. Garanti li leis, regulamentus, prugamas, y invistimentus apôia viabilidade di propiadadis agríkulas.**
  1. Splóra auméntu di fleksibilidadi di prugama APR pa apôia viabilidade di propiadadis agríkula.
  2. Splóra implimentason di mekanismus ki ta auménta número di munisipius ki ta kria leis di Direitu a Sporason Agríkula y Kumison agríkula.
  3. Fasilita asésu di agrikultôris na busca di finansiamento y ajudas.
  4. Splóra opurtunidadi pa apôia finansiamento na sporason agríkula.
  5. Poi agrikultôris y riprzentantis di tudu aria di industria agríkula na planiamentu y kriason di pulítikas ki ta ten inpákitu na uzu di terras, na anbênti, y ôtus pulítikas públiku.
  6. Promóvi más dizenvolvimêntu na industrias ki ta apôia agrikultura, pa pôdi garanti ki agrikultura sta ser djudadu di manêra drétu na kuzas ki ten a ver ku agrikultura y propiadadi agríkula.
  7. Apôia agrikultura urbanu.
  8. Apôia nisisidadis di infrastruturas agríkulas
  9. Dizenvôlvê kapasidadi di prestadôris di sirvisus sima instituison finansérus, prufisional di arias di bênda di kaza y adivogadus, pa midjór apôiu na propiadadis agríkulas.
  10. Kria un funson di apôiu pa fasilitason finanséru, ki pôdi iziji nôvus rikursus umanus.
  11. Identifika opurtunidades pa apôia agrikultôris pa sê-s kontribuison na sirvisus non-merkantil, u ki pôdi inklui mekanismu di finansiamento.
- B. Aumenta rizilénsia y prátkas di sustentabilidade na agrikultura.**
  1. Auménta asisténsia tékinika na kriason di stratéjas pa agrikultôris na adaptason a mudansas klimátikus spesífiku pa koliéta y pekuaria.
  2. Midjôra sólu na terénus públiku ki sta uzadu pa fazi agrikultura.
  3. Apôia midjoramentu ekolójiku y sirvisus prestadus pa prátkas di jeston, putensialmênti atraves di atribuison di nôvus finansiamento.
  4. Rifórsa aria di atuason di UMass pa rispôndi nisisidadis di agrikultôris.
- C. Auménta uzu di sirvisus, prugamas, y ôtus rikursus pa agrikultôris.**
  1. Kria y inpliménta un planu di kumunikason pa promóvi rikursus públiku ku privadu disponivel pa agrikultôris.
  2. Auménta opurtunidadi di asisténsia individual pa agrikultôris, dandu prioridadi a agrikultôris prinsipalmenti kê-s agrikultôris istorikamenti injustisadu y kê-s ki kré ser agrikultôris tanbê.
  3. Apôia Prugrama di Midjôria di Viabilidade Agríkula (FVEP) di MDAR, Prugrama di Subisidius Enprezarial Korispondénti pa Agrikultura (MEGA), y Prugrama di Formason na Enprézas Agríkulas, ki ta présta asisténsia tékinika enprezarial individual.
  4. Apôia idukason formal pa agrikultôris y kê-s ki kré ser agrikultôris na futuru.
- D. Kria apôiu público pa agrikultura y pa proteson, asésu y viabilidade di terras agríkulas.**

1. Dizenvôlvi prugramas pa iduka rezidéntis y funzionarius ileitus di Massachusetts sôbri importansia di agrikultura lokal.
2. Dizenvôlvi un planu abranjenti pa apôia y susténta setor di agrikultura di Stadu di Massachusetts, ki ta inklui agrikultura urbanu y integrason di rikursus públiku ku privadu.